

周
易
通
解

周易通解卷二

歸安下 述

下經傳

三三艮下兌上

澤山咸

咸亨利貞取女吉

咸感也連也卦以陽感陰感之至速故亨也利貞謂二四貞吉也取女吉

也者少男少女人道之始夫婦之正也天道首於乾坤人道始於艮兌

彖曰咸感也柔上而剛下二氣感應以相與自否三上

也乾坤二氣通於山澤乾以剛與艮坤以柔與兌止而說男下女是以亨利貞

取女吉也也男下女謂艮在兌前男先乎女也異艮迭消故亨利貞而无元天地感而萬

物化生聖人感人心而天下和平觀其所感而天地萬

物之情可見矣天地不交而萬物不生咸象乾陽下感坤陰上感而萬物化生矣聖人居五體

乾下感人心兌說異異天下和平矣天道以性推情人道以情合性

象曰山上有澤咸君子以虛受人

澤猶山上必流山下故君子以虛受人也

人在三虛在二

初六咸其拇象曰咸其拇志在外也

拇足大指也初在下象拇不自行

外感於四而已

六二咸其腓凶居吉象曰雖凶居吉順不害也

腓腰膕也

上股之下也二為五所感腓不能自動陰不能先陽往則失艮止之道而凶若正居艮象則吉矣順不害者巽

來順艮不害於初

九三咸其股執其隨往吝象曰咸其股亦不處也志在

隨人所執下也

三在腓上為股三處巽中巽亦股也艮為執下二陰象隨言三不處巽中當獨

行有遇若執下陰以往則上兌反復故吝也

九四貞吉悔亡憧憧往來朋從爾思象曰貞吉悔亡未

咸害也憧憧往來未光大也

西能居正守吉則未感於初與二未害可以无思无

慮矣故悔亡也憧憧往來兌四當巽兌往來之交若不
能居正則失其一致而爲思慮所擾三陰朋從未能光
大

九五咸其脢无悔象曰咸其脢志末也

脢在背者喻上

背而三咸之故咸其脢也五用三崇德施應於二得中行正故无悔也志末者言五以兌息乾

上六咸其輔頰舌象曰咸其輔頰舌滕口說也

兌爲口舌故咸

其輔頰舌也上六无位施應不及於二唯以口說虛應於三而已爾正釋詰滕虛也

三三巽下震上

雷風恒

恆亨无咎利貞利有攸往

恆久也二長相與故長久也剛中而應故亨也无咎利貞

謂二五得中也外兌息乾微利有攸往

彖曰恆久也剛上而柔下雷風相與巽而動剛柔皆應

恆

自泰初四剛柔相易也乾陽上動為雷坤陰下薄為風陽上陰下天地之常道故恆

恆亨无咎

利貞久於其道也天地之道恆久而不已也

天道震起地道巽長

四象无艮利有攸往終則有始也

謂震終則兌乾有始

日月得天

而能久照四時變化而能久成聖人久於其道而天下

化成

日出震日初升也月見兌月初經也故得天久照矣四時自震生兌長以迄巽秋萬物成就故變化

久成矣聖人乾德久

觀其所恆而天地萬物之情可見

矣

咸恆上下兩象皆非乾坤也而與天地生萬物同用者兩象方以類聚有乾物以羣分有坤也

象曰雷風恆君子以立不易方

中四爻為方未濟象傳辨物居方者取中四爻

為用也恆象久立於二而不遷故曰立不易方

初六浚恆貞凶无攸利象曰浚恆之凶始求深也

浚深也巽

入兌下故說恆也初陽已失故貞凶是求於五亦无所利

九二悔亡象曰九二悔亡能久中也初雖失而二得中故悔亡也時至於

五則二以久中恆其德矣繫辭傳曰可久則賢人之德

九三不恆其德或承之羞貞吝象曰不恆其德无所容

也三反復於兌巽之交不能恆乾德者初陰或承以巽辱則正乎吝矣言三失中无所容於上下之閒

九四田无禽象曰久非其位安得禽也初陰非得故田无禽也言二能

久中四非其位

六五恆其德貞婦人吉夫子凶象曰婦人貞吉從一而

終也夫子制義從婦凶也五以兌息乾二至是時恆其德而貞吉矣六五陰柔不能

用四斷解下九三反復於巽陰在婦人則吉在夫子則凶謂陰自初至上坤道已全此所謂婦人從一而終

者非夫子所宜也婦人謂二夫子謂五

上大振恆凶象曰振恆在上大无功也振古文作楮楮柱也柱猶撐也

上與三應皆非正位故曰楮恆謂巽柔木也斜撐於棟宇中終見震折而不能久故曰大无功也

三三艮下乾上天山遯

遯亨小利貞遯退也遯消卦也進則剝陽故以遯亨也小利貞謂二也二陰故小

象曰遯亨遯而亨也剛當位而應與時行也小利貞浸

而長也遯之時義大矣哉九五當位大二應之乾巽時行雖二陰浸長二得柔中四

又互巽國執於二艮象不行矣君子觀否遯之世知天下不能无小人也否亂象已成九五用四艮止於二小人不能無遯陰爻浸長九五用四巽固於二小人不長二

得中正之道可以止亂此聖人救世之大權也故曰遯之時義大矣哉

大矣哉

象曰天下有山遯君子以遠小人不惡而嚴天體至高足以致容山

君子德盛足以遠小人矣乾為善教不遠也嚴戒備至也五尊而志應故嚴遠

初六遯尾厲勿用有攸往象曰遯尾之厲不往何災也
初在下象尾故曰遯尾與既濟濡尾同象
三有疾故厲往則小人之否故勿用往

六二執之用黃牛之革莫之勝說象曰執用黃牛固志
也在艮爲執巽陸體坤牛二在中則黃也艮外堅象革
兌象不見无有能說之者言五用四以固天下之志
也二得中不消
故獨不言遯

九三係遯有疾厲畜臣妾吉象曰係遯之厲有疾憊也
畜臣妾吉不可大事也
三在巽係中故曰係遯三成艮
消故有疾厲甚於无妄之疾矣
二爲家臣初爲妾言九三非中但
下畜臣妾則吉不可有事於五

九四好遯君子吉小人否象曰君子好遯小人否也
乾
不惡故好遯也五用四執二巽志已固君子之道不
消故君子吉艮陰已退小人之道不長故小人否
九五嘉遯貞吉象曰嘉遯貞吉以正志也
三陽嘉會故
嘉遯也巽退

於二以正天下之志此
遯之時義所以大也

上九肥遯无不利象曰肥遯无不利无所疑也淮南九

遯三五同功五在天位故飛遯也上九超世高舉不與世患九三至是无疑故无不利也舊注從肥解按重乾

剛瘠焉
得稱肥

三三乾下震上雷天大壯

大壯利貞乾剛震長四陽盛進大者壯也故曰大壯壯則止之故利於九二之貞吉

彖曰大壯大者壯也剛以動故壯大壯利貞大者正也

正大而天地之情可見矣天地之道陽常有餘主善陰常不足主惡此天地之情也

不言萬物者陽剛大
盛之會萬物不與

象曰雷在天上大壯君子以非禮弗履長子代父用事於外大壯之世

也君子用之禮卑法地而教之中故履
必缺二也若九三壯而失中為非禮矣

初九壯于趾征凶有孚象曰壯于趾其孚窮也趾足也初九在

下故壯于趾往外无應故征凶也有孚者二至四皆實往則羣剛害之遇有孚而窮耳

九二貞吉象曰九二貞吉以中也九二得中外正應之故貞吉

九三小人用壯君子用罔貞厲羝羊觸藩羸其角象曰

小人用壯君子罔也小人用壯謂初壯壯君子用罔謂二貞吉壯非羸也君子无之用罔謂

也三成初壯不順於二故貞厲荀爽曰三五為兌羊陽位曰羝藩謂四也按外震為羝兌陰象角兌觸藩而

四害之故羸其角也羸讀為偏發敗兒

九四貞吉悔亡藩決不羸壯于大輿之輹象曰藩決不

羸尙往也二四同功故並曰貞吉四无初則悔亡矣決依經當作夬傳訓決也九三觸藩至四則竹

藩已決羊角不羸壯往之象也乾陽盛多稱大輿與大有九二同象初為輹二為輪三為輹四為輿堅韋故壯于

大輿之輹

六五喪羊于易无悔象曰喪羊于易位不當也上位為易上六

无實故六五喪羊于易也乘剛不守甘受其終故无悔魯季氏實出昭公由不能當位故也

上六羝羊觸藩不能退不能遂无攸利艱則吉象曰不

能退不能遂不祥也艱則吉咎不長也上與三應故羝羊觸藩也二能

退四能遂三非其位故无利也初為艱三若貞如初艱則息得吉矣不祥者兌羊為祥五已喪羊故上大不祥

言不為天右也祥古作詳

三三坤下離上火地晉

晉康侯用錫馬蕃庶晝日三接晉進也謂六五得位柔進而上行也康廣也禮

言康周公猶廣魯也坤為廣四為公侯離為錫坤為文馬用者五用之坤眾故蕃庶也離象在上故稱晝日艮

象為手艮三爻為三接左傳曰晉侯朝王出入三觀是晝日三接之象也

象曰晉進也明出地上順而麗乎大明柔進而上行是

以康侯用錫馬蕃庶晝日三接也

雜卦傳晉晝也晉晝者期之晝也

同度並出地上而月晦无光故當晉晝之期其明道月朝日如臣朝君矣坤德至順臣道也

也柔進上行謂晉自觀而易也

象曰明出地上晉君子以自昭明德

昭本作昭用月承光於古文通

君子見坎月之象悔於艮坤而自照於離明也離為明德六二所秉自五黑之明明德於天下矣

初六晉如摧如貞吉罔孚裕无咎象曰晉如摧如獨行

正也裕无咎未受命也

應四晉如害二摧如說文摧擠也謂二擠初不進故初以獨行

而得其正矣初當附庸與五无孚唯附四遠於天子藉以裕无咎耳五命止二不及於初故未受命

六二晉如愁如貞吉受茲介福于其王母象曰受茲介

福以中正也

二志進五故晉如坎來加憂故愁如二得中故貞吉離為介福五為王五陰爻稱王

母言二以中正受命於天子

六三眾允悔亡象曰眾允之志上行也允說文作勗進三五五行坎應於上九坎象承難故眾允悔亡也易象坤為重國語坎眾也

九四晉如碩鼠貞厲象曰碩鼠貞厲位不當也四外出

出自土穴象鼠四互艮則碩鼠也四未成坎碩鼠難畫不伏故貞厲九家易曰碩鼠喻貪也體艮欲升在坎欲降游不度瀆不出坎也飛不上屋不至上也緣不窮木不出難也穴不掩身坤上出也走不先人艮在後也

六五悔亡失得勿恤往吉无不利象曰失得勿恤往有

慶也乘剛有悔五成坎則碩鼠伏故悔亡也失古本作矢四為坎矢而五得之得黃矢也雖坎為恤勿憂

之矣往吉无不利為大二告也言二以中直往則有晝日三接之慶

上九晉其角惟用伐邑厲吉无咎貞吝象曰惟用伐邑

道未光也爻等首在上故晉其角也三位為邑上九為

而吉无咎矣貞吝者其眾行於五則離日昃於上上九正離上下无濟其道未廣故也

三三離下坤上

地火明夷

明夷利艱貞

明夷詠也諫備之事其象夜也艱在初貞在二利在三

彖曰明入地中明夷內文明而外柔順以蒙大難文王

以之利艱貞晦其明也內難而能正其志箕子以之

夕日月同度並入地中日月皆不見故曰明夷也文王外臣位當六四兼乎君道者也其蒙大難也坎月離夷

離日如故內文明而外柔順文王以之矣箕子內臣位當六二全乎臣道者也其居內難也君象不明臣節亦

險自晦其明以正其志艱貞之利箕子以之矣

象曰明入地中明夷君子以莅眾用晦而明

五出震莅坤故用莅

眾也坤晦而震明坎晦而離明故用晦而明

初九明夷于飛垂其翼君子于行三日不食有攸往主

人有言象曰君子于行義不食也

三五互震象飛坎在震下故垂其翼飛而

不遠之象也震爲行離腹中虛故不食離三爻當三日也往謂往四也三五爲主人震告之故有言義不食者謂義在四

六二明夷夷于左股用拯馬壯吉象曰六二之吉順以則也震爲左三位爲股與咸九三同象夷者三在坎中拯馬出險三陽剛故壯吉

九三明夷于南狩得其大首不可疾貞象曰南狩之志乃大得也離在南方故南狩也宵而火田曰狩明夷之象也上位爲首陽爻稱大坤順震得故得其大首也然當行五以拯馬不可即貞坎疾之中坎爲心疾

六四入于左腹獲明夷之心于出門庭象曰入于左腹獲心意也震爲左離爲腹坎爲心四當震離坎之交與二而出於四爻等三爲庭四爲門也文王拘於羑里獲紂之心意釋歸其國其象如此

六五箕子之明夷利貞象曰箕子之貞明不可息也

爲箕父位二爲子男六五震行以正二稱箕子矣坎月有消息貞在二利在三箕子臣道之屬未可出震以自

利也故傳止稱箕子之貞

上六不明晦初登于天後入于地象曰初登于天照四

國也後入于地失則也

坤象成則明入地中故不明晦也爻等三爲齊晨爲日初出五在天故曰初登于天至上則漸夕日終入矣故後入于地失則者三初登爲順則故上後入爲失則

三三離下巽上

風火家人家人利女貞

家人內也主內事也爻等二爲家三爲人家人正位乎內故利女貞彖曰家人女正位乎內男正位乎外男女正天地之大

義也家人有嚴君焉父母之謂也父父子子兄兄弟弟

夫夫婦婦而家道正正家而天下定矣

男在外而正位於五天之義也

女在內而正位於二地之義也有天地然後有男女有男女然後有夫婦也有嚴君者婦稱夫之父曰君舅母曰君姑父之位在五自四以下皆子位所謂兄兄弟弟也左傳季氏筮得大有之乾曰同俱于父敬如君所大有之四父當孟孫三爻當叔孫二爻當季孫同復于父季氏得正故專魯

象曰風自火出家人君子以言有物而行有恆

言行出乎身必

自家庭始矣言出於四得三爲物坎象中實故有物也行見於五得初爲恆內外皆離故有恆也

初九閑有家悔亡象曰閑有家志未變也

有家者閑之於初則无後

悔矣閑習也

六二无攸遂在中饋貞吉象曰六二之吉順以巽也

无婦

遂事每事必請於舅姑故无攸遂也坎主酒食離主亨旺皆中饋之事婦正主之故貞吉言二順於五而四又

巽之

九三家人嗃嗃悔厲吉婦子嘻嘻終吝象曰家人嗃嗃

未失也婦子嘻嘻失家節也嗃嗃嚴威峻肅之意離象也雖有悔厲亦得正而吉

矣嘻嘻嬉戲燥熯之兒坎象也終失威如之吉三失中故也

六四富家大吉象曰富家大吉順在位也巽體坤陰為富四又為財

而二以離象得之有孚舉如故富家也四順於五五當位而貴四順之而富崇高莫大乎富貴故大吉

九五王假有家勿恤吉象曰王假有家交相愛也假至也假自

五至二所謂王假有家也夫婦交際愛而有別勿涉坎瀆之憂故吉也此天子正家以正天下之象

上九有孚威如終吉象曰威如之吉反身之謂也上與三皆

實故有孚上九獨出則九三內外離明故威如終吉也家之本在身故君子反身

三三兌下離上火釋

睽小事吉睽乖也說文睽目不相親也火釋乖睽中有坎耳助離目也五柔中故小事吉

彖曰睽火動而上澤動而下二女同居其志不同行說

而麗乎明柔進而上行得中而應乎剛是以小事吉上火

釋下物性之睽也二女不同行人性天地睽而其事同

之睽也柔進上行謂卦自中孚而來也男女睽而其志通也萬物睽而其事類也睽之時用

大矣哉天在離中地在澤中睽矣天互坎以下兌地互

離以觀上則其事同也男性動而上女性動而

下睽矣男互坎女互離水火相濟剛柔相應則其志通

也萬物謂六爻之物也物以羣分火澤睽矣類而聚之

則二四成離與上象類三五成坎水澤亦

類故其事類也睽而有不同睽之用在大

彖曰上火下澤睽君子以同而異同中有異異中有

同同弗與異弗非

初九悔亡喪馬勿逐自復見惡人无咎彖曰見惡人以

辟咎也與二无害故悔亡坎馬離說故喪馬勿即逐於

四馬自復於三矣惡人謂六三也惡人見於三

則喪馬得於

五所以辟咎

九二遇主于巷无咎彖曰遇主于巷未失道也主謂五

也巷者

邑中道邑在三二以離中陰為主今遇於三三亦互離之陰遇非其正故二能不失中道以候於五其旺也何咎之有

六三見輿曳其牛掣其人天且剝无初有終象曰見輿

曳位不當也无初有終遇剛也三以牛車行澤中坎為輿而曳離為牛而掣皆

不正之象掣說文作齊一角仰也其人惡人也天者偃人恆不能俯且剝者兌象減艮鼻也三不當位遇剛而

應故舍初就上遇兩得吉為无初有終矣

九四睽孤遇元夫交孚厲无咎象曰交孚无咎志行也

四以一陽外出故曰睽孤二互四遇五五為元夫遇元夫猶言遇主也二五志應故交孚也四不當位雖危无

咎

六五悔亡厥宗噬膚往何咎象曰厥宗噬膚往有慶也

棄剛有悔二五相遇故悔亡也厥宗其宗謂六三也三五同物故曰宗也睽象噬膚三在兌口故噬膚也禮有

膚祖宗人出圖嘉事噬其膚祖婦
姻之禮行二至是時往則有慶

上九睽孤見豕負塗載鬼一車先張之弧後說之弧匪

寇婚媾往遇雨則吉象曰遇雨之吉羣疑亡也二五交

中通唯此一爻在上曰睽孤也坎豕兌澤中負塗而

來坎為車離為鬼上位亦鬼故有載鬼一車之象坎外

來似寇故二先張離弧其實婚媾也故三在後以兌說

之坎離正應元夫婚媾故三五行坎雨二往遇之則吉

至是時而離兌之疑象皆亡矣

三三艮下坎上水山

蹇利西南不利東北利見大人貞吉蹇難也足不行故

震艮坎皆東北之卦也蹇象艮坎三五合離其上既濟

離西南之卦故利西南也二四互坎重險難濟故不利
東北也大人在
五利見於上
象曰蹇難也險在前也見險而能止知矣哉險在前猶
言險在外

與需象傳同。謹見。險能止。蹇利西南往得中也。不利東

北其道窮也。利見大人往有功也。當位貞吉以正邦也。

蹇之時用大矣哉。往得中謂九五以中當也。往有功謂

利見係之上六唯其時而已。在蹇而有濟蹇之用在故大。

象曰：山上有水，蹇。君子以反身修德。艮體德於三遇險者當反而修之。

初六：往蹇來譽。象曰：往蹇來譽，宜待也。往四則險來二有譽初非其時。

故宜待也。

六二：王臣蹇蹇，匪躬之故。象曰：王臣蹇蹇，終无尤也。自

至四皆王臣也。外坎成蹇二又互坎蹇而天。蹇之象二以柔得中道時未濟於躬无尤。

九三：往蹇來反。象曰：往蹇來反，內喜之也。往則外險來則反成利見。

虞翻曰：內二陰皆喜之也。陽為喜。

易解二

六四往蹇來連象曰往蹇來連當位實也

連聯也四往來皆賤王臣

蹇蹇者也當位實者一陰在二陽中故實也

九五大蹇朋來象曰大蹇朋來以中節也

九五大蹇當位故大也四

上成濟二又承之三陰朋來矣言五中正以正天下之邦節取於三

上六往蹇來碩吉利見大人象曰往蹇來碩志在內也

利見大人以從貴也

內艮為碩也往蹇來實吉言三至是時往來皆吉矣三從五為從貴

故利見大人

三三坎下震上

雷水

解利西南无所往其來復吉有攸往夙吉

解緩也坎險而震出故解

也離者西南之主卦故利西南也解出險用震震亦東北之卦故不言不利東北矣三往五重險也故无所往

四來二濟應也故來復吉也有攸往夙吉言宜二往四則以夙得吉夙朝也爻等四為朝

象曰解險以動動而免乎險解解利西南往得順也

以往則得地應坎亦順也其來復吉乃得中也

古本此下有无所往句往即有天地解而雷雨作雷

雨作而百穀草木皆甲坼解之時大矣哉

象也百穀草木坤物出震者也甲者孚甲外苞離象也

坼舊本作宅古文作𦰩草木生莖葉坎象也解之用顯

故止取其時象曰雷雨作解君子以赦過宥罪

初六无咎象曰剛柔之際義无咎也

九二田獲三狐得黃矢貞吉象曰九二貞吉得中道也

三在田獲為狐離象三爻故田獲

三狐坎矢在離中色黃故得黃矢六三負且乘致寇至貞吝象曰負且乘亦可醜也自我

致戎又誰咎也

六三負四乘二小人之事也坎寇來奪三自招之正乎吝而已詳繫辭傳

九四解而拇朋至斯孚象曰解而拇未當位也

指謂初

也而致也四未當位止解其初非能解乎也至六五之時三陰朋至坎險自解有孚于小人矣

六五君子惟有解吉有孚于小人象曰君子有解小人

退也

君子謂二五也君子獨以解吉小人亦以有孚爲退聽矣小人謂初六

上六公用射隼於高墉之上獲之无不利象曰公用射

隼以解悖也

公謂四也四用二射隼弓坎矢射震隼于墉之上故射隼高墉也隼在高而二五

得中故獲之无不利也以解悖者謂六三失道四用解之在此時耳

三三兌下艮上

山澤損

損有孚元吉无咎可貞利有攸往曷之用二簋可用亨

損下益上之卦也有孚謂艮震時行元吉謂六五也初无咎二可貞二待至四利有攸往矣初二兩剛象二簋

外圖函方中虛可受上有龜蓋二簋士
禮也用亨者四用之以亨于祖考耳

彖曰損損下益上其道上行損泰之九三以益於上損而有孚元

吉无咎可貞利有攸往曷之用二簋可用亨二簋應有

時損剛益柔有時損益盈虛與時偕行二簋有時謂初應在六四之時

二應在六五之時損剛有時謂三應在上九之時所謂其道上行也乾為盈坤為虛損乾成兌兌即所以益乾

損坤成艮艮即所以益坤天地盈虛與時消息其用不窮矣

象曰山下有澤損君子以懲忿窒欲澤自山來泄而不竭君子用之无損

非益也懲古本作激爾正釋訖激虛也忿為剛之盈激則虛之欲為柔之歡窒則實之

初九已事遄往无咎酌損之象曰已事遄往上合志也

損事在三至四則已二至是時遄往於上與初无咎故无咎也遄猶專也酌損之者三分損一所損不多也二

五志應元吉與上合志矣

九二利貞征凶弗損益之象曰九二利貞中以爲志也

二得中故利貞損事未已往外非時故征凶上九損三實以益二故曰弗損益之

六三三人行則損一人一人行則得其友象曰一人行

三則疑也

三人謂三一人謂上也三行則以坤順震損及於上故損一人上行則以艮行震兩陽相

得故得其友易象陽爲得爲友

六四損其疾使遄有喜无咎象曰損其疾亦可喜也

四成

震象初兌消震爲疾故四損其初疾使九二得震出遄往於上在二有喜初亦无咎

六五或益之十朋之龜弗克違元吉象曰六五元吉自

上右也

或謂上也二五相益上又成之故曰或益之也二五合十數三陰爲朋內柔外剛其象爲十朋

之龜寶龜也實龜天子所用人弗克違也元吉者三以損終上卽益始厚於六五以成元吉自上右之右又也

上九弗損益之无咎貞吉利有攸往得臣无家象曰弗

損益之大得志也

二與上行故皆曰弗損益之也无咎貞吉謂上應三而以正吉也利有攸

往謂九二過往也自四至二皆臣位二爲室家上順國及二爲得臣二外出不居爲无家大得志者言五順於

上而得於二故大也

三三震下巽上

風雷益

益利有攸往利涉大川

損上益下之卦也益自外來故利有攸往三五中行故利涉大

川

彖曰益損上益下民說无疆自上下下其道大光

損否之九

四以益初也震民至樂坤德遠息故民說无疆道在震初艮光行五故其道大光

利有攸往中

正有慶利涉大川木道乃行

二用四往五二五志應故中正有慶也三從五行初

初爲震木故木道乃行也

益動而巽日進无疆天施地生其益無方

凡益之道與時偕行

易象外卦當日四進至外卦以坤益震故日進无疆也乾施自五坤

生之初益在坤方之外故其益無方也與時偕行謂艮震時行

象曰風雷益君子以見善則遷有過則改

而三宜改

初九利用爲大作元吉无咎象曰元吉无咎下不厚事

也利用者五用之也大作謂王國作邦之事初應四承五故元吉无咎也厚事艮事也事在五非初自主

六二或益之十朋之龜弗克違永貞吉王用亨于帝吉

象曰或益之自外來也或益之謂外來益之也十朋之龜與損六五同象二以坤德柔

中故永貞吉王謂五也帝天帝謂上也損益二卦皆上來順下故損二益用亨益王用亨帝皆取外來

六三益之用凶事无咎有孚中行告公用圭象曰益用

凶事固有之也上來益三也凶事巽事也巽爲初喪故用凶事上順下故无咎也有孚謂震艮

時行也三與五行故曰中行告震告也公謂四也鄰邦有凶事命卿執圭致贈禮也艮爲圭上圓下方

六四中行告公從利用爲依遷國象曰告公從以益志

也二與四行故亦曰中行二利往三利涉各以其利也從謂從王事也四承五利初大作厚事王用遷國矣

依者若周之東遷晉鄭焉依

九五有孚惠心勿問元吉有孚惠我德象曰有孚惠心

勿問之矣惠我德大得民也三五中行故有孚也五下順三故曰惠心三已震告

故勿問也元吉者五與初時行故皆曰元吉也有孚惠我德謂艮震相孚五既順三必得於初故曰大得志也

上九莫益之或擊之立心勿恆凶象曰莫益之徧辭也

或擊之自外來也自初至五无有益之者艮手或反擊之矣心勿恆謂六三反復於下也恆

益亦相反

三三乾下兌上澤天

夫揚于王庭孚號有厲告自邑不利卽戎利有攸往決

也五陽決一陰也諸陽進五兌口應三故揚于王庭同人相號三以危應故孚號有厲也告自邑謂上告三三爲邑也卽戎用大師也一陰上窮三往決之足矣故不利卽戎利有攸往

彖曰夬決也剛決柔也健而說決而和揚于王庭柔乘五剛也孚號有厲其危乃光也九三應上獨顯於諸陽中告自邑不

利卽戎所尙乃窮也利有攸往剛長乃終也

象曰澤上於天夬君子以施祿及下居德則忌兌澤爲施乾爲

福祿君子用五行三故施祿及下矣二爲居德處君子道長之世未宜自舍故居德則忌

初九壯于前趾往不勝爲咎象曰不勝而往咎也初陽前于

大壯故壯于前趾往則二四害之故不勝爲咎

九二惕號莫夜有戎勿恤象曰有戎勿恤得中道也九

孚號二近而惕故惕號也二當莫夜之位諸陽卽戎而無憂者二五以中相孚

九三壯于頄有凶君子夬夬獨行遇雨若濡有愠无咎
象曰君子夬夬終无咎也頄頄字鄭本作頄面權骨也上首為頄羣剛決柔九三即戎之色見于首面故壯于頄也壯非中正故有凶也三已成乾至五亦乾夬而又夬之象三若獨往於上兌雨應至濡及乾衣必有
不說之心故終无咎

九四臀无膚其行次且牽羊悔亡聞言不信象曰其行

次且位不當也聞言不信聰不明也臀在下體行在三也二四互乾為疥

故臀无膚四剛无應與三相害故其行次且次且古文作越且謂頓踣不行也四若牽於兌羊則悔亡矣聞言

者聞揚言也四遠故不信

九五莧陸夬夬中行无咎象曰中行无咎中未光也舊

莧為莧菜陸為商陸或以陸為光地莧也皆陰柔之物五位已高不取象地物可知孟氏曰莧獸名按說文莧从省从兔足山羊細角者與从艸从見為莧菜之莧形近而字別也高平曰陸省羊行於三上故曰莧陸漸九

易解二

六

三亦取象陸矣夫无咎與三同誼三五中行故也中未光者五雖得中猶爲上陰所掩

上六无號終有凶象曰无號之凶終不可長也尚口終窮故无

號也有凶者一陰尚在剛終不長反於遯初耳

三三巽下乾上天風遯

姤諸家皆作遯女壯勿用取女遯遇也一陰遇五陽也巽陰在初而曰女壯與

坤初六履霜堅久同戒矣勿用取女爲九五言之

彖曰姤遇也柔遇剛也勿用取女不可與長也巽爲天長

地相遇品物咸章也剛遇中正天下大行也姤之時義

大矣哉初爲地道五爲天道羣陽包陰故品物咸章也二五剛得中君子之道不戾故天下大行也遯

之時在三義在二其大在五

象曰天下有風姤后以施命誥四方后者夏后氏也遯當五月省方之期

羣后相遇故施命詰四方也詰四方者不及於初卦以中四爻類聚為四方也遺象乾即西北之卦巽即東南

初六繫于金柅貞吉有攸往見凶羸豕孚蹢躅象曰繫

于金柅柔道牽也繫古文作係柅古文作柅柅者絡絲

二係之正也故吉往則見凶於外矣坎為豕巽為其

九二包有魚无咎不利賓象曰包有魚義不及賓也初

為魚二以剛中包而得之故无咎也賓義在四四以初傾故不利賓

九三臀无膚其行次且厲无大咎象曰其行次且行未

牽也三與五行剛柔先應而四害之故曰臀无膚其行次且與夫九四同象言三行雖次且不為初陰所

牽故危而无大咎

九四包无魚起凶象曰无魚之凶遠民也四包於初初已隱伏故包

无魚也凶由初起故趨凶也四爲違初爲民

九五以杞包瓜含章有隕自天象曰九五含章中正也

有隕自天志不舍命也

杞枸櫞堅木乾物也在地曰瓜

杞包瓜五以二下包初天地相遇故含章也

異陰在初志隕於五五位在天故有隕自天

上窮故邁

所應故吝

三三坤下兌上

澤地萃

萃亨

一本无亨字

王假有廟利見大人亨利貞用大牲吉利

有攸往

萃聚也陽類聚於上陰類聚於下也五當王上爲廟假至也五用二禴以說祖考故王假有廟

二五中正利見大人故亨利貞兌刑坤牛牛大牲也故用大牲吉二順巽命故利有攸往

彖曰萃聚也順以說剛中而應

謂九

故聚也王假有廟

致孝亨也利見大人亨聚以正也用大牲吉利有攸往

順天命也觀其所聚而天地萬物之情可見矣天地生物之情

威則通久則成聚則盛故聖人於咸恆萃三卦言之

象曰澤上於地萃君子以除戎器戒不虞重門艮戒有象焉君子

用備不虞矣除備也乾為戎器巽以除之坤為不虞艮以戒之

初六有孚不終乃亂乃萃若號一握為笑勿恤往无咎

象曰乃亂乃萃其志亂也應四為孚至三為終初尚无聚故有孚於四不終亂於三

矣自初至三乃亂乃萃者也兌在外若號艮手握一陰得陽為喜故一握為笑也喜故勿恤往有孚故无咎

六二引吉无咎孚乃利用禴象曰引吉无咎中未變也

艮手援引二得柔中故引吉无咎五為萃主下孚於二兌夏時也禴禴物以祭夏際也故利用禴二至是時利

有攸往矣中未變者二得中而應不為三陰所亂

六三萃如嗟如无攸利往无咎小吝象曰往无咎上巽

也三陰類聚乃亂乃萃卦之上六齋資涕洟皆无

九四大吉无咎象曰大吉无咎位不當也亦无咎此公

侯助祭於天子之廟不正當祭主之位者

九五萃有位无咎匪孚元永貞悔亡象曰萃有位志未

光也二陽類聚於上五得天位公侯輔之故萃有位无

得大中與二人正則六三之小吝亡矣志未光者謂四在上聚艮志未光

上六齋資涕洟无咎象曰齋資涕洟未安上也虞翻曰

賁也喪貨稱賁自目曰涕自鼻曰洟虞說以三五巽爲

初喪故上六致賁而涕洟也齋資馬鄭作齋咨謂兌口

上故能哀戚之則无咎矣

三三巽下坤上地風

升元亨用見大人勿恤南征吉升聚而上也升之元亨與蠱同誼用見大人謂五為大人用三以見陽居二勿憂矣天道震兌時行自北而南地道巽在東南坤在西南木德至南方而盛故南征吉

彖曰柔以時升巽而順剛中而應是以大亨木生於春時也故用見大人勿恤有慶也南征吉志行也慶陰為憂恤升象陰息陽故勿恤有慶

象曰地中生木升君子以順德積小以高大木生地中君子用之進德矣坤道為順升象震順坤兌順震順而有德故積小以高大也陰為小陽為大巽為高上亦為高

初六允升大吉象曰允升大吉上合志也允說文引古文作𠄎也巽陰在初志進於五二五志行初與上合故大吉无咎

九二孚乃利用禴无咎象曰九二之孚有喜也

二互兌夏時也

禴爲夏時之祭萃升二卦皆於內象言禴者禴爲內事也二與五孚至是時上來息二利用禴祀初陰在下不

爲咎

九三升虛邑象曰升虛邑无所疑也

三爲邑五爲虛三五時升故升而无

疑所

六四王用亨于岐山吉无咎象曰王用亨于岐山順事

也兌爲岐山西方之山兌上陰象岐也王謂五也亨岐山外事故於外卦言之吉无咎者承五而吉雖初无

應不爲咎

六五貞吉升階象曰貞吉升階大得志也

二得中故貞吉四五親比

相次象階故升階階者天子之庭陛也二升至五故大得志也

上六冥升利于不息之貞象曰冥升在上消不富也

上爲

終日且冥矣故曰冥升與冥環在上同龍升四五志
息息則无利上六故上六利在不息也陽息則陰消消
則不富易
象坤爲富

三三坎下兌上

澤水困

困亨貞大人吉无咎有言不信

困亨者困而通也貞大人吉无咎者二五正而

吉也兌口在外有言六三反復罔孚故不信

彖曰困剛揜也

揜或作弇小上也荀爽曰言二五爲陰所揜也

險以說困而不

失其所亨其惟君子乎貞大人吉以剛中也有言不信

尙口乃窮也

象曰澤无水困君子以致命遂志

水在澤下上塞下撰困之象也由二致五

爲致命由五遂二爲遂志

初六臀困于株木入于幽谷三歲不覿象曰入于幽谷

幽不明也

三五巽為腎股坎為株木故腎困于株木巽入坎谷故入于幽谷也三歲不覿者坎三爻

為三歲離明所不照也

九二困于酒食朱紱方來利用亨祀征凶无咎象曰困

于酒食中有慶也

坎為酒食巽象為紱二離日正中其色朱朱紱者君王之服自五言之故

朱紱方來也利用亨祀謂五用四利之二得中正人事未亨故征凶神右方來故无咎

六三困于石據于蒺藜入于其宮不見其妻凶象曰據

于蒺藜乘剛也入于其宮不見其妻不祥也

遇剛故困于石乘剛

故據于蒺藜四剛稱石坎為蒺藜也二為宮室又為妻位三成坎象三在陷中三又巽入故入于其宮不見其

妻凶也兌羊為祥上六不應故不祥

九四來徐徐困于金車吝有終象曰來徐徐志在下也

雖不當位有與也

來之二也徐徐本作荼荼舒遲見四剛堅坎為車故困于金車二在陷

故也四失中故
吝上說故有終

九五劓刑困于赤紱乃徐有說利用祭祀象曰劓刑志

未得也乃徐有說以中直也利用祭祀受福也

劓刑古文作劓

總說文不安也赤紱臣服一命二命三命皆服赤紱四
難日初出其色赤自二言之故困于赤紱也二五中直
至是時徐徐說險矣兌陰在上
鬼神右之以福故利用祭祀

上六困于葛藟于臲臲曰動悔有悔貞吉象曰困于葛

藟未當也動悔有悔吉行也

坎在下為蒺藜兌在上為
葛藟上六陰揜高木之上

故困于葛藟也臲臲古文作劓劓高險兌三動非應故
動悔有悔也貞吉者兌象正說坎險至是時窮而終通
故其
吉行

三三巽下坎上

井水風

井改邑不改井无喪无得往來井井汔至亦未繙井羸

其瓶凶困反則坎水上出木入水出井之象也改邑謂
兌易坎舊井復通也困之三四易而成井四陰非喪三
陽非得兌巽往來水澤皆通故往來井井也乾幾也乾
至謂下汲至二未繙井謂汲綆未收才至於發也繙者
汲綆瓶者汲至二未繙兌發毀之故羸其瓶羸偶也毀敗兌虞
翻曰巽爲瓶
繙離爲瓶

象曰巽乎水而上水井井養而不窮也

鄭氏曰坎水也巽木桔槔也互

體離兌離外堅中虛瓶也兌爲暗澤泉口也桔槔引瓶
下入泉口汲水而出井之象也井以汲養人水无空竭
人君以政教養改邑不改井乃以剛中也井象易困之
天下惠澤无窮改邑不改井乃以剛中也三四而二五
剛中改汔至亦未繙井未有功也井繙瓶未至於羸其瓶
是以凶也

象曰木上有水井君子以勞民勸相

民爲井邑之民說以勞之相爲友助

之事巽以勸之

初六井泥不食舊井无禽象曰其泥不食下也舊井无

禽時舍也

井下則泥故不食也自困之時來故稱舊井困世枯澤之上有禽今反於井底安得禽乎

九二井谷射鮒甕敝漏象曰井谷射鮒无與也

四為坎穴故稱

井谷下陰象鮒兌弦在上射之故井谷射鮒也甕為汲之器兌巽缺之敝且漏矣井谷非射鮒之所敝甕亦舊井之物言井養上出二非其時

九三井渫不食為我心惻可用汲王明並受其福象曰

井渫不食行惻也求王明受福也

渫者異絜之也汲尚未出故井渫不食三

欲行五為二憂之故為我心惻爻等二為憂惻三為心也三行成離離瓶異編可用汲矣五體離明濟三並及

於二故曰王明並受其福

六四井甃无咎象曰井甃无咎修井也

甃井壁也累甃井口曰甃四當

兌缺舊井損壞修而治之故无咎

九五井冽寒泉食象曰寒泉之食中正也冽水清也井水在上者最

清也井水夏寒兌主夏時故稱寒泉也三成離而五正之二又應上水火亨飪寒泉之福食於天下矣

上六井收勿幕有孚元吉象曰元吉在上大成也謂井收

上鹿盧收繩處也幕井覆也井水上出故井收勿幕也井收孚於三則元吉成口於五五中正故大也

三三離下兌上澤火

革已日乃孚元亨利貞悔亡革改革也改革之事大者易侯而王未革時未信也

已革之日人乃信之離為日至四則離日已改三五成孚故曰已日乃孚也乾元在五應二為亨事非得已必

用其正悔乃亡矣

彖曰革水火相息二女同居其志不相得曰革澤火而

者坎兌同主於水也天道逆者為息息已日乃孚革而

猶逆也澤火志不相得故曰水火相息信之文明以說大亨以正革而當其悔乃亡天地革而

四時成湯武革命順乎天而應乎人革之時大矣哉天道

離主春分兌以立夏革之乾主夏至巽以立秋革之天地革四時成矣湯武起自公侯位當九四天命在五體

順而承之人心在三終應而歸之得乎革之時矣禮曰湯放桀武王伐紂時也

象曰澤中有火革君子以治厯明時卦天時出於先天八卦

兌當初夏乾當正夏巽當初秋四時之序得其半矣君子觀之坎離應中和之候乾坤為極至之時震春兌夏

陽氣自地而升巽秋艮冬陰氣自天而降三正迭建惟夏時為得天焉故用治厯明時

初九鞶用黃牛之革象曰鞶用黃牛不可以有為也束鞶

固也離為黃牛外堅為革與遯六二同象革遯二卦初上相易革象上兌其堅可說

六二已日乃革之征吉无咎象曰已日革之行有嘉也

四為已日乃革之象二至是時而往則順天有得三陽嘉會矣故吉无咎

九三征凶貞厲革言三就有孚象曰革言三就又何之

矣九三失中故往上則後時而凶貞厲則失時而厲也

也言三舍五又何之乎

九四悔亡有孚改命吉象曰改命之吉信志也四革而當故悔

亡也四當改革之際公侯一出天人孚應革命改號以荅天下歸己之志故有孚改命吉

九五大人虎變未占有孚象曰大人虎變其文炳也革

事已乾象上成兌以虎文下包離兵一變征誅之象故曰大人虎變其志偃武修文天下信之不俟禮制大革

時故曰未占有孚

上六君子豹變小人革面征凶居貞吉象曰君子豹變

其文蔚也小人革面順以從君也兌陽爻稱虎其陰爻稱豹類虎而小者

上兌息乾為君子離初伏巽為小人內堅外巽故小革面上為首面也征凶居貞吉言三至是時利居貞矣

革命之世君子有後時而變化者若武王克殷之後箕子陳疇商容復位也蔚古文作斐小人梗化先巽後說

若洛邑頑民
化洽在後世

三三巽下離上
火風

鼎元吉亨
依彖傳吉字爲衍文鼎言其象也初鼎足中三陽鼎腹五鼎耳上鼎鉉亨飪器也禮之大

者以鼎爨故元亨也與大有彖同謹

彖曰鼎象也以木巽火亨飪也
巽入也鄭氏曰卦有水

金兌爲澤澤鍾金而舍水聖人亨以亨上帝而大亨以

養聖賢
聖人謂六五上帝謂上九也古者天子亨

豕鼎一曰兌爲童牛爲羊爲豕爲豕皆取五象鼎肉也養

聖賢者卽古大饗禮天子稱聖牛鼎有九其數用五下

兼四也自聖以下稱賢四爲公侯用四兼三牢鼎七矣

三巽而耳目聰明柔進而上行得中而應乎剛是以元

亨
鼎象下巽上離離爲目兼稱耳者兌坎

易解二

象曰木上有火鼎君子以正位凝命

五得中與二正位二成乾與五凝命

易象乾為冰冰即古凝字

初六鼎顛趾利出否得妾以其子无咎象曰鼎顛趾未

悖也利出否以從貴也

鼎必三足初象為耦則鼎趾缺一而顛矣顛无所利利以出鼎

中否塞之物鼎象三為否塞四覆出之故利出否初賤為妾二為子自五而言其子也五息二進初故得妾以

其子也以從貴者巽陰在初志進於五

九二鼎有實我仇有疾不我能即吉象曰鼎有實慎所

之也我仇有疾終无尤也

應五為實故鼎有實二四同為地類故二為四我仇也四

有折足疾故不我即也吉者二五正應慎往於五以終於上則四亦无尤

九三鼎耳革其行塞雉膏不食方雨虧悔終吉象曰鼎

耳革失其義也

三五互兌耳木火鑠乾金革反鼎耳矣鼎以耳行三欲行五而四塞之四折足

故三之行塞也。離物爲雉兌澤爲膏鼎不升於上故不食也。兌兩方應巽廣有悔終至上九則吉故方兩廣悔終吉也。失其義謂四不利之。

九四鼎折足覆公餗其形渥凶象曰覆公餗信如何也。初顛趾而四應之乾陽下傾故鼎折足也。古有餗鼎三公之餗也。餗菜也。鼎必有餗牛以養羊以苦豕以薇覆及公餗其形沾渥凶可知矣。

六五鼎黃耳金鉉利貞象曰鼎黃耳中以爲實也。兌耳離色中黃故鼎黃耳也。鉉者貫鼎耳中舉而升之謂上九也。鉉讀與局同乾象在應故稱金鉉古者鼎鉉天子飾以黃金諸侯飾以白金養聖賢之鼎也。五黃中二鼎實利於九二之貞。

上九鼎玉鉉大吉无不利象曰玉鉉在上剛柔節也。鼎飾玉亨上帝之鼎也。五用三以亨自天右之故大吉无不利也。剛柔節者二節巽之柔五節乾之剛則元亨矣。干寶曰玉貴於金皆乾物也。

易解二

三三震下震上

震為雷中
天純卦

震亨震來虩虩笑言啞啞震驚百里不喪匕鬯

重震卦也震本

體无再震則亨震在初故曰震來也虩虩恐懼貌呂覽引作恐恐讀如獨獨兩震敵應陽爻為喜故有笑言謂婚媾有言也啞啞笑聲雷震驚及於百里故震為建侯象封方百里也匕鬯者祭主所有事七棘七所以扱鬯坎為棘七震象淺斗艮手扱之鬯和鬯震為和黍坎水漬之不喪謂六五億无喪

彖曰震亨震來虩虩恐致福也笑言啞啞後有則也

福致

謂受福於五也二先喪貝至五无喪故曰後有則

震驚百里驚遠而懼邇也出

可以守宗廟社稷以為祭主也

四遠二近諸侯號令所及侯位在四故也重震

互體艮坎坎險艮守四為出故出可守也上位宗廟社為五土之主稷為百穀之長皆取諸震

象曰洊雷震君子以恐懼修省

震來恐懼用艮反身善則修之故得一善遇則

省之故不貳過

初九震來虩虩後笑言啞啞吉象曰震來虩虩恐致福也笑言啞啞後有則也

此即以象辭為爻辭也

六二震來厲億喪貝躋于九陵勿逐七日得象曰震來

厲乘剛也

初震在內故震來厲也億大數也十萬曰億位當上大貝者合物初四兩剛相合象貝也

二係艮則失初至上再震並失四故億喪貝矣躋升也山下為陵位在六三躋則自二升五并四為九稱九陵

也勿逐七日得者二躋至五自震象反之五當艮之大二四當艮之九三陽爻為得自震二至艮二歷七爻為

七日也

六三震蘇蘇震行无眚象曰震蘇蘇位不當也

初震已過恐懼

稍蘇也蘇者死復生震為反生故震蘇蘇也三遇坎險坎為眚震行於上故无眚

九四震遂泥象曰震遂泥未光也

震出故遂再震故泥泥者止而不行也艮

非其時故未光

六五震往來厲億无喪有事象曰震往來厲危行也其

事在中大无喪也

震往來於四來厲於初初與四合成貝

爲祭主入廟行四艮手薦坎酒七鬯馨香格于鬼神言五得中非上六所能喪也

上六震索索視矍矍征凶震不于其躬于其鄰无咎婚

媾有言象曰震索索中未得也雖凶无咎畏鄰戒也

震索

索震向畫也視矍矍懼未忘也征凶戒三也其躬謂二其鄰謂四艮震爲鄰也二近四遠故震不于其躬于其鄰鄰邦有震驚能戒守之故无咎也鄰封敵應內外往來故婚媾有言詩曰治比其鄰婚姻孔云是也

三三艮下艮上

艮爲山上天純卦

艮其背不獲其身行其庭不見其人无咎

重艮卦也背在五後身位

在二故上九敦艮爲艮其背不獲其身矣三在門內曰庭行人在庭則居人不見三隱坎中故也震艮時行故

无咎

彖曰艮止也時止則止時行則行動靜不失其時其道

光明

艮止而靜震行而動合乎天時其道光明矣艮剛外著故光明

艮其止止其所也

釋艮其有

上下敵應不相與也是以不獲其身行其庭不見

其入无咎也

象曰兼山艮君子以思不出其位

思心之位在三艮止則不出於四素位而

行不顧外者也禮曰知止而後有定定而後能靜靜而後能安安而後能慮慮而後能得此曾子所取則也

初六艮其趾无咎利永貞象曰艮其趾未失正也

初在艮下

時止而止故艮其趾无咎也艮止在初未失於五故利永貞

六二艮其腓不拯其隨其心不快象曰不拯其隨未退

聽也

腓在趾上與咸同象故六二艮其腓也上震爲拯二陰在下爲隨五以震行拯二不及於初故不拯

其隨也坎爲憂故不快其心謂三也言二以坎耳聽拯不及初故曰未退聽

九三艮其限列其夤厲熏心象曰艮其限危熏心也

門限

櫺也四爲門三則門下櫺也列裂也夤說文作腓夾脊肉也謂五陰柔象夾脊肉本係於上而三裂之思出其位故危也荀爽讀熏爲動虞翻曰古闢作熏字坎爲心艮爲闢闢守門人坎盜動門故危闢心也

六四艮其身无咎象曰艮其身止諸躬也

身位在內而四自外止之

故艮其身四五二得正故无咎

六五艮其輔言有序悔亡象曰艮其輔以中正也

言自四出

口輔上止五行震以宣之故艮其輔言有序也序者謂自艮而坎而震三陽以次也震爲動行五非止而悔亡者謂得平時中

上九敦艮吉象曰敦艮之吉以厚終也

重艮之上曰敦艮與敦臨敦復

同誼震起也故吉在初艮止也故吉在終

三三艮下巽上漸

風山漸

漸女歸吉利貞

漸進也外卦息內陰長之卦故女歸吉二五剛柔得正故利貞

象曰漸之進也女歸吉也

雜卦傳曰漸女歸待男行也言女歸當居二待五而行行

則漸之進也

進得位往有功也進以正可以正邦也

謂往五成離以

正天下之邦

其位剛得中也

其位謂進得位也

止而巽動不窮也

窮不

上於

象曰山上有木漸君子以居賢德善俗

山高木長進不窮矣君子以艮

居賢人之德風教明於上流俗善於下

初六鴻漸于干小子厲有言无咎象曰小子之厲義无

咎也

鴻以秋飛水宿隨陽之鳥漸象外巽秋高離鳥南飛艮止水涯故六爻皆取象鴻也于讀爲漸山開

水也艮爲小子初止而不進故厲四小有言外陰利之故无咎

六二鴻漸于磐飲食衎衎吉象曰飲食衎衎不素飽也

磐漢郊祀志引作般孟康曰般水厓也謂壩中之高也二體坎爲飲食五正離爲宴樂衍樂貌二應五得實非素餐也故吉

九三鴻漸于陸夫征不復婦孕不育凶利禦寇象曰夫

征不復離羣醜也婦孕不育失其道也利用禦寇順相

保也得陸又高於磐矣五爲夫二爲婦漸象五以離行三

中實象孕三艮止不出故婦孕不育矣坎爲寇艮爲守故利禦寇也順相保謂外來順內

六四鴻漸于木或得其桷无咎象曰或得其桷順以巽

也四陰爲材之小者故鴻漸于木或得其桷也桷椽也艮爲門三爲桷棟其上有桷耦比之物四順五巽三

比陽有得故无咎

九五鴻漸于陵婦三歲不孕終莫之勝吉象曰終莫之

勝吉得所願也大陸曰陵鴻漸山上之象也婦自三至五離腹中虛離三爻當三歲故三歲不

孕也終至上九巽陰順艮
二獨得正故終莫之勝吉

上九鴻漸于木其羽可用為儀吉象曰其羽可用為儀

吉不可亂也

鴻漸于陸自三言之也坎象鴻羽離為威儀羽毛以飾旌旄可辨儀等王者用以正

邦三陰雖眾不得而亂之

三三兌下震上

雷澤歸妹

歸妹征凶无攸利

妹者震謂兌也長子謂少女妹也婦人謂嫁曰歸自外歸內也征凶无攸

利謂六三

彖曰歸妹天地之大義也

虞翻曰泰三之四震東兌西離南坎北備四時正卦故曰

天地之天地不交而萬物不興歸妹人之終始也

泰相天道

二五相交天地通矣歸妹人道三四相易說以動所歸夫婦合矣女以已嫁為終男以有室為始

妹也征凶位不當也无攸利柔乘剛也

言六三出則无應而凶處則乘

剛為

象曰澤上有雷歸妹君子以永終知儆永終於上知儆於三

初九歸妹以娣跛能履征吉象曰歸妹以娣以恆也跛

能履吉相承也娣女弟也歸妹之象初為娣二為娣三為娣

娣女行則姑姊娣姪二人從之二小國腰亦然娣必待

而行其常也初在下為履兌震足故跛跛者足難

行於義无征往之利征吉當作貞吉言初承

二利于幽人之貞者據象傳亦本無征字

九二眇能視利幽人之貞象曰利幽人之貞未變常也

眇一目小也二互離目兌陰揜之故眇也幽人謂兌人

在三也與履九二同象二得中而視不正者利於初貞

故也初既用
恆二亦未變
六三歸妹以須反歸以娣象曰歸妹以須未當也須古文
需荀爽作嬌嬌婆也女兄也三與五行歸妹以須矣終
則二反歸初所謂反歸以娣也未當者言三未當位

九四歸妹愆期遲歸有時象曰愆期之志有待而行也
女子之行在四歸妹之期也過乎是期待至於五與嫡俱歸故曰遲歸有時

六五帝乙歸妹其君之袂不如其娣之袂良月幾望吉

象曰帝乙歸妹不如其娣之袂良也其位在中以貴行

也震爲帝震春時其日甲乙五陰爻配乙故稱帝乙湯之字也其君者王姬下嫁諸侯稱小君也兌口飾乾

衣象袂初爲娣陽善故良也二爲嫡陽居陰位不如也二坎離正望初兌象上弦爲月幾望歸妹之象嫡不如娣故先吉

於月幾望

上六女承筐无實士刲羊无血无攸利象曰上六无實

承虛筐也震爲筐離女承之上陰虛故无實也兌爲羊坎土刲之離乾卦故无血也二者皆因六三

失位失應故凶而无所利

三三離下震上雷火

豐亨王假之勿憂宜日中

豐大也古文作豐離為君象震為帝出故大二五中通故

亨也王假在五故宜日中二勿憂矣左傳曰日中當王

彖曰豐大也明以動故豐王假之尙大也勿憂宜日中

宜照天下也日中則昃月盈則食天地盈虛與時消息

而況於人乎況於鬼神乎

昃古文作昃日出震方中於離方昃於兌方兌象居五當

日中故日中則昃也月生明於震望於離虧於巽凡月食恆在望故月盈則食也天地有盈虛與四時相消息

而人事與鬼神未有不與時俱消息者

象曰雷電皆至豐君子以折獄致刑

巽象係獄兌以折之兌亦刑罰用巽

之致

初九遇其配主雖旬无咎往有尙象曰雖旬无咎過旬

災也

配主謂與己國匹敵之君謂九四也離為日其數十故雖旬无咎鄭氏曰初修禮上朝四四以匹敵

禮待之雖留十日不爲咎正以十日者朝聘之禮正於主國以爲限也按聘禮日旬而稍此十日之內行則有慶譽之吉過此則折肱之災故過旬災也

六二豐其蔀日中見斗往得疑疾有孚發若吉象曰有

孚發若信以發志也蔀蔽也兌雲揜日故豐其蔀也五當日中震建上動象斗斗小於月

喻侯國命卿入聘王朝如日中見斗幽不明之象也離爲疑巽爲疾晉士會不解殺蒸往得疑疾矣王朝以口

說信其典章發明其志財禮成而歸故吉

九三豐其沛日中見沫折其右肱无咎象曰豐其沛不

可大事也折其右肱終不可用也雷電風雨交作故豐其沛沛大雨也沫者

荀爽以爲斗杓後小星謂上六也斗爲恆星或晝見若斗旁二小星雖夜若昧无晝見之理喻命卿聘未將事

而卒則其介攝而致幣无咎也右股上卿也折右肱兌象也古者雨淫霑衣則廢朝故將聘而甚雨不可行大

事喻將聘而命卿卒介雖攝事終不可用命卿之禮

九四豐其蔀日中見斗遇其夷主吉象曰豐其蔀位不

當也日中見斗幽不明也遇其夷主吉行也豐蔀見斗與二同象

二四同功故也四為三公與侯國等稱夷主者四在天子側兌揜離光若明夷之主矣遇者初遇之以將事王

庭行其吉禮四失中故日不當位

六五來章有慶譽吉象曰六五之吉有慶也往有發若來即王章

二五中通故也五有慶則二有譽故吉

上六豐其屋蔀其家闕其戶闕其无人三歲不覲凶象

曰豐其屋天際翔也闕其戶闕其无人自藏也豐有大壯象故

豐其屋二五皆暗故蔀其家四為戶三為人上於門內闕三幽於兌而伏於巽故闕其无人兌三爻當三歲故

三歲不覲也天際翔孟氏作天降祥災祥也兌羊為祥鄭氏曰闕无人貌孟氏作室

三三艮下離上火山

旅小亨旅貞吉

旅旅人也止而麗乎外也五柔中故小亨二得正故貞吉

彖曰旅小亨柔得中乎外而順乎剛止而麗乎明是以

小亨旅貞吉也旅之時義大矣哉

旅人自失其初棲棲外適三行无與四害

相仍幾无所容於上下之間惟大二巽處於外虛中以通立乎他國之土而能安食乎他君之食而有譽旅之時義所以爲大

象曰山上有火旅君子以明慎用刑而不留獄

離明艮慎而用

兌刑也不留獄者謂巽係必出

初六旅瑣瑣斯其所取災象曰旅瑣瑣志窮災也

瑣瑣小石

聲窮大者反於頭小自失其居此旅之始也外雖應之終於喪失故曰斯其所取災

六二旅卽次懷其資得童僕貞象曰得童僕貞終无尤

也卽次就舍也旅人之處也懷挾也資財也財在四二挾而得之故懷其資初爲童僕二以正得之故得童

僕貞也終以
譽命故无尤

九三旅焚其次喪其童僕貞厲象曰旅焚其次亦以傷

矣以旅與下其義喪也

三則旅人行矣故焚其次離火
巽木焚如也三欲行五而四害

之四與二退巽則下喪童僕故貞厲也
旅人親寡猶親童僕況並失童僕乎

九四旅于處得其資斧我心不快象曰旅于處未得位

也得其資斧心未快也

二四互巽四出二處故旅于處
資財也斧斷薪旅人所需皆取

諸四故得其資斧遠託異國未說我心故我心不快謂
心在三未成兌也資斧一作齊斧舊注從黃鉞解按旅

人未得位不
與軍旅之事

六五射雉一矢亡終以譽命象曰終以譽命上逮也

雉巽爲下弦故二在下仰射五在上得中也一矢亡
者亡其初矢也終以譽命謂五命二譽終以上逮下

上九鳥焚其巢旅人先笑後號咷喪牛于易凶象曰以

旅在上其義焚也喪牛于易終莫之聞也離鳥巢巽木之上火出則

焚旅人謂九三也二先得故笑三後焚故號咷二巽五順獨上亢而无應焚及離牛矣三欲行五四不利之故

三以其義喪上以其義焚也四巽退故兌耳无聞聞則兌兩救之矣

三三巽下巽上巽為風中

巽古文小亨利有攸往利見大人重巽卦也巽猶遜也巽陰卦故小亨巽兌

往來故利有攸往五正離相見故利見大人

彖曰重巽以申命剛巽乎中正而志行柔皆順乎剛申亦

重也剛巽謂二巽三五巽上也柔順剛謂初順二四順五是以小亨利有攸往利見

大人

象曰隨風巽君子以申命行事五申二為申命五行三為行事

初六進退利武人之貞象曰進退志疑也利武人之貞

志治也

四為進初為退初四敵應巽又為進退也巽人

治則

九二巽在牀下用史巫紛若吉无咎象曰紛若之吉得

中也

虛在下而上實象牀故剝曰剝牀巽曰巽在牀下也離文明為史兌口舌為巫巫事鬼神者太史掌

祭祀離兌並見故史巫紛若也用吉者用之享祀則受福巽小亨故也吉在陰事初陰在下不為咎

九三頻巽吝象曰頻巽之吝志窮也

頻厓也據初而言三為厓隔故頻巽

吝與頻復同誼志窮者謂上應亦窮

六四悔亡田獲三品象曰田獲三品有功也

陰游進有悔四得位

故悔亡也互二在田順五得實故田獲三品兌三爻為三品也鄭氏曰一巽雞二兌羊三離雉

九五貞吉悔亡无不利无初有終先庚三日後庚三日

吉象曰九五之吉位正中也

五得中正用四以斷得其資斧故貞吉悔亡也无不

利者利往利見內外皆利也无初有終謂五巽於上以
行其權自二至上如權衡之平也巽主立秋其日庚辛
五陽爻配庚先庚三日庚午庚辰庚寅庚子庚戌庚申也巽柔用剛故以六庚剛斷

上九巽在牀下喪其資斧貞凶象曰巽在牀下上窮也

喪其資斧正乎凶也重巽无初故二與上皆曰巽在牀下也四為資用又為斧斷五正得

之上九无位與四不比又居巽象之上巽陰為喪故喪其資斧為凶

三三兌下兌上兌為澤中

兌亨利貞重兌卦也古文作台台澤也重兌二五剛中皆為上陰所揜故四時无元

彖曰兌說也剛中而柔外說以利貞兩說即亨也利貞在內是以

順乎天而應乎人初正兌象三五相巽說以先民民忘

其勞說以犯難民忘其死說之大民勸矣哉民位在初兌亦勞卦

說以先之民說則忘勞其初為難巽為死喪說以犯難民說且忘死說在天下故大也巽以率之故民勸

象曰麗澤兌君子以朋友講習

陽爲友陰爲朋兩口相講重澤相習異而耳目

聰明矣

初九和兌吉象曰和兌之吉行未疑也

和者說之始也和由中出說得

其道故和兌吉也行未疑者三五行

九二孚兌吉悔亡象曰孚兌之吉信志也

說積則信故孚兌吉二得

中道不害於初故悔亡

六三來兌凶象曰來兌之凶位不當也

在內曰來故來兌柔說失中故

也凶

九四商兌未寧介疾有喜象曰九四之喜有慶也

互二成離

比五行剝四當疑位兩商之故曰商兌鄭氏曰商隱度也兌亦勞卦故未寧也巽爲疾四介其闕故曰介疾四

五相比在五爲剝在四有喜

九五孚于剝有厲象曰孚于剝位正當也

字於二而剝於三故孚於

剝有厲巽消為剝三多凶故危也五當位而有厲者吉凶與民同患憂勞之意多故兌象惟五不言兌

上六引兌象曰上六引兌未光也

引長也巽在三為長而上引之故引兌陰

揜陽故未光也

三三坎下巽上

風水

渙亨王假有廟利涉大川利貞

渙散也渙亨渙而通也宗廟所以聚族姓之散

故渙萃兩卦皆取象焉利涉大川謂震為剝木動於水中人止其上舟楫以濟不通詳繫辭傳利貞謂二五正位

彖曰渙亨剛來而不窮柔得位乎外而上同

自否而來二四剛柔

相易剛來不窮謂剛自外來不窮於上也柔王假有廟得位謂四得公侯之位上同謂上同乎天子

王乃在中也

王謂五也

利涉大川乘木有功也

象曰風行水上渙先王以亨於帝立廟

先王在兌之世巽居王位閱世

成渙巽乃上升於廟以配帝故稱先王也渙自初至五有尊酒簋缶之象故用亨也巽繫在上象立新廟

初六用拯馬壯吉象曰初六之吉順也

出溺曰拯五用二震拯坎馬故

壯吉

九二渙奔其機悔亡象曰渙奔其機得願也

震行為奔故曰渙奔

二得實有足五止其上机象也机几也廟中設同几百司駿奔走故渙奔其机也初陰在下二得中故悔亡也

二換則五順故曰得願

六三渙其躬无悔象曰渙其躬志在外也

二渙初矣三又渙二故渙

其躬无悔也

六四渙其羣元吉渙有丘匪夷所思象曰渙其羣元吉

光大也

呂覽曰渙者賢也羣者眾也元者吉之始也謂四當震象渙之主也為賢而能換其羣者故元

吉也四在山下有止象焉夷明夷也初六拯馬壯吉與明夷六二同象乃與明夷六四獲明夷之心者今四換有止非復明夷所有之象故曰匪夷所思矣光大謂陽在五而光大

九五渙汗其大號渙王居无咎象曰王居无咎正位也

汗出而不反人君號令亦然渙下坎象汗互震為大號故渙汗其大號也王者正位於五居體於二今二五以中正渙故渙王居无咎

上九渙其血去逖出无咎象曰渙其血遠害也坎為血卦四為

逖遠二四震行上順五以渙之故渙其血去逖出无咎也遠害謂四遠上害

三三兌下坎上水澤節

節亨苦節不可貞節止也節亨節而亨也苦盡也苦節謂上大

彖曰節亨剛柔分而剛得中苦節不可貞其道窮也說

以行險當位以節中正以通說不可以行險故五當天位以節則二五中通矣

地節而四時成節以制度不傷財不害民

天節其上下震春

艮冬四時成矣人事之節在制度其四為財五慎出之則財用无傷也其初為民四拯救之則民居无害也

象曰澤上有水節君子以制數度議德行

水注澤鐘源流可節故君

子以制數度也艮手握五震足履五以制什伯布指知寸舉足知尺以制尺寸積震稼之粟計艮手之握仰盛概止以制升斗二五縣衡震動艮止如水之平以制權衡震足知步艮手計里以制里步也議德行者德在於二震以行之兌以口舌議之君子制數度以節民財議德行以節民性

初九不出戶庭无咎象曰不出戶庭知通塞也

四為出為門戶

三為庭節象四來息初故初雖不出无害也出則二塞之

九二不出門庭凶象曰不出門庭凶失時極也

單扉曰戶雙戶

曰門門亦戶也二得中出四則尚五而通矣二體震象雷在水中盤桓不出失平時中之道而不知也極中也六三不節若則嗟若无咎象曰不節之嗟又誰咎也節不

其初則兌口吝嗟之象
三自致之於人何尤

六四安節亨象曰安節之亨承上道也

四為財與二中處以節其初故

安節也四上順五上下皆節而通故亨

九五甘節吉往有尚象曰甘節之吉居位中也

五得中道上下

甘受其節故吉也往有尚為九二言之

上六苦節貞凶悔亡象曰苦節貞凶其道窮也

節之太盡曰苦

節節非中道凶而不可貞也能以五節悔乃亡耳

三三兌下巽上

風澤中孚

中孚豚魚吉利涉大川利貞

中孚信由中出也豚即豕也魚澤中陰物也二五剛中而孚信

及豚魚故吉也利涉謂五利貞謂二

彖曰中孚柔在內而剛得中說而巽孚乃化邦也

五下孚二

以化天豚魚吉信及豚魚也豚魚土祭禮昭祀利涉大

川乘木舟虛也中孚三四相害其中孚以利貞乃應乎

天也二五孚在中

象曰澤上有風中孚君子以議獄緩死兌決刑獄艮慎

期震拯而緩之

初九虞吉有他不燕象曰初九虞吉志未變也虞度也其初難

知故虞之易象震爲虞屯六三即鹿无虞謂三就五之

艮麓則失初之震虞也萃兩象傳戒不虞謂萃象无震

也中孚四來息初自初度之志應未變宜得吉矣他謂

三也三四相害說絕不來故有他不燕也燕謂燕息

九二鳴鶴在陰其子和之我有好爵吾與爾靡之象曰其子和之中心願也鶴古字作雀从佳上出口高鳥也

陰其子鶴子也鳴且和者二五相應艮震同聲也爵祭

器也震主祭器土有田則祭故因以爲爵祿陽爲好故

曰好爵孟氏曰靡共也爾我二五相謂也

六三得敵或鼓或罷或泣或歌象曰或鼓或罷位不當

也三四兩陰相敵二五得之故得敵也震鼓艮罷二憂而泣五樂而歌三不當位故有是象

六四月幾望馬匹亡无咎象曰馬匹亡絕類上也兌應

兌為上弦兌終故月幾望也四為震馬三以兌說之故馬匹亡也三絕四而說四亦絕三而上四順五有得故

无咎

九五有孚攣如无咎象曰有孚攣如位正當也五為中孚主故

有孚也二五相孚各固一陰攣如也與小畜九五同誼五雖異體得中當位故无咎

上九翰音登于天貞凶象曰翰音登于天何可長也雞

翰音異為雞也上位在天之上雞非登天之物故貞凶也異為長

三三艮下震上雷山小過

小過亨利貞可小事不可大事飛鳥遺之音不宜上宜

下大吉

小過陰過乎陽而陰得中故小而亨利貞也飛鳥遺音自上而下故下吉

彖曰小過小者過而亨也過以利貞與時行也

四時順行兌巽

得柔得中是以小事吉也剛失位而不中是以不可大

事也有飛鳥之象焉

中孚柔在內剛在外鳥之腹肥而健剛者小過剛在內柔在外鳥之

腹瘠而飛鳥遺之音不宜上宜下大吉上逆而下順也

豐羽者比九五象傳曰舍逆取順說卦傳曰數往者順知來者

逆消息之象趨下則順故上逆下順不宜上宜下也象曰山上有雷小過君子以行過乎恭喪過乎哀用過

乎儉

兌說巽遜尤恭也兌號巽威尤哀也兌麗巽入尤儉也三事皆過之小者

初六飛鳥以凶象曰飛鳥以凶不可如何也

飛鳥下至而止凶象

也不可如何者初已見凶非能豫謀古以已一字

六二過其祖遇其妣不及其君遇其臣无咎象曰不及

其君臣不可過也

上位爲祖五爲父母二五相直過則其祖遇則其妣母死稱妣遇而不遇

者也君位在五自四以下皆臣二以柔遇剛遇三而得不可過也二得遇故无咎

九三弗過防之從或戕之凶象曰從或戕之凶如何也

三行五必過四兩剛相害故弗過防之艮爲防也以

賊內曰戕謂三若外出四卽從而戕之艮防不守故凶

九四无咎弗過遇之往厲必戒勿用永貞象曰弗過遇

之位不當也往厲必戒終不可長也

四以二爲體二柔中无咎也二弗過

四先已遇三故曰弗過遇之也二往五則三危三必戒防之矣勿用永貞者兌巽時行震象不可長失中故也

六五密雲不雨自我西郊公弋取彼在穴象曰密雲不

雨已上也

密雲西郊與小畜象同象兌雲已上於天震又密之陰无陽應故密雲不雨兌爲西上爲

郊自二言之故自我西郊也公弋者四爲公巽繩係弋矢故公弋也五用二仰射飛鳥墮落山中故取彼在穴

二得中故也

上六弗遇過之飛鳥離之凶是爲災眚象曰弗遇過之

已亢也

上无所遇則過之而已飛鳥罹燄穢而墮故凶也上窮下消是爲災眚

三三離下坎上

水火既濟

既濟亨小利貞初吉終亂

水火相得曰既濟也既濟離坎成象互卦又成坎離自初

至四已成坎離既濟之象故初吉終至於上坎離皆重見故終亂

彖曰既濟亨小者亨也

小謂二四

利貞剛柔正而位當也

三剛

居陽位三柔居陰位六爻各居其正虞翻遂以既濟六爻爲諸卦定位未達既濟終窮之誼又未達既濟初吉終亂之旨如虞說泰二五當互易成既濟以泰尙中行而論此卽左傳所云往不濟者何往來吉亨之有初吉柔得中也終止則亂其道窮也

象曰水在火上既濟君子以思患而豫防之

思患於終防亂於四

初九曳其輪濡其尾无咎象曰曳其輪義无咎也

坎象在四

爲輪初陽引之故曳其輪初位爲尾四以坎水濡之故濡其尾應四先濟故无咎也義取諸四

六二婦喪其茀勿逐七日得象曰七日得以中道也

二位

稱婦五互離在外離蔽坎車象茀衛風詩翟茀以朝翟茀者婦人車飾也上坎盜之故喪也反至未濟之九二則七日之期勿逐自得矣既濟陰在二故喪未濟陽在二故得謂兩卦之三以中道合

九三高宗伐鬼方三年克之小人勿用象曰三年克之

憊也

高宗殷先王武丁謂上六也上位最高又爲宗廟故稱高宗鬼方難方也離爲鬼與睽上六載鬼同

象伐而三年克之者水適火必克坎三爻當三年此卽殷武詩所謂奮伐荆楚爲武丁是也小人勿用者既濟在上用初終亂故勿用也憊者爲坎勞也

六四襦有衣袽終日戒象曰終日戒有所疑也

襦古文作縗

古文作縗縗采縗衣縗挈縗也乾衣縗在中離象也離爲朱縗公侯中衣射則袒之公侯專征心有所顧忌故

終日戒也上位爲終日九三志在上四常疑位故戒之

九五東鄰殺牛不如西鄰之禴祭實受其福象曰東鄰

殺牛不如西鄰之時也實受其福吉大來也東鄰殷也天子至尊

坎刑難牛大祭也西鄰周也坎水禴物以祭禮之薄者

坎象在上與震同方故稱東鄰難象在下與兌同方故

稱西鄰西鄰以離柔中受福於五五陽故實也文王初

禴之年歲在鶉火離德正昌福自天來矣禴爲夏祭正

當其

時

上六濡其首厲象曰濡其首厲何可久也坎水濡及上首三正危矣

終止則

亂之象

三三坎下離上水火未濟

未濟亨小狐汔濟濡其尾无攸利水火相違曰未濟也狐疑獸也離爲狐卦

之正離在上爲大互離在下爲小故稱小狐也汔幾也小狐居四近濟於二故濟也若濡尾及初則无利

彖曰未濟亨柔得中也

謂六五

小狐汔濟未出中也

謂九二

濡其尾无攸利不續終也

謂未濟之象无初亦无上

雖不當位剛柔

應也

通謂六爻

象曰火在水上未濟君子以慎辨物居方

未濟剛柔不當爻物離處

惟中四爻爲有方也不慎辨之則居非其方而亂矣慎由中出

初六濡其尾吝象曰濡其尾亦不知極也

極中也中在九二非初六

知所

九二曳其輪貞吉象曰九二貞吉中以行正也

未濟之九二當

既濟之初九故曳輪同象也九二在中得四以行得五以正故二與四五皆貞吉也

六三未濟征凶利涉大川象曰未濟征凶位不當也

六三

坎象已成應往於上離象又成惟此一爻正值未濟之凶三不當位故也三若與五涉大川共成既濟則无不

利矣

九四貞吉悔亡震用伐鬼方三年有賞于大國象曰貞

吉悔亡志行也

四體二故貞吉舍初故悔亡也伐鬼方三年與既濟九三同象震用謂四舍初

而出五振起用之不言高宗者五非宗廟鬼神之位也坎爲伐離爲賞四爲公侯大國志行謂二志已行

六五貞吉无悔君子之光有孚吉象曰君子之光其暉

吉也

二五得中志應故貞吉无悔二離明五坎暗君子之光暗而日章故有孚吉也有孚者坎象也離象

在二光暉及四彌遠故吉

上九有孚于飲酒无咎濡其首有孚失是象曰飲酒濡

首亦不知節也

三五成坎坎爲酒食孚于飲酒未爲咎也至於上九坎水並濡其首雖有坎孚

失其是矣陰爲非陽爲是上九亦既濟之亂雖陽不爲是也節者謂二五以中節之

周易通解卷二